

**Angajoqqaat sulinngiffeqartarnerat pillugu malittarisassani atuuttut  
allanngortinnissaannut siunnersuusioqqullugit Naalakkersuisut peqquneqarnissaanik  
Inatsisartut aalajangiiffigisassaattut siunnersuut, taamaasilluni sulinngiffeqartarneq  
sapaatip akunnerinik sisamanik sivitsorneqartussanngorlugu. Allannguut atuutilissaaq  
ulloq 1. juuli 2019 aallarnerfigalugu**

*(Inatsisartunut ilaasortamit, Randi Vestergaard Evaldsen, Demokraatit,  
saqqummiunneqartoq)*

**pillugu**

**Ilaqutariinnermut Peqqissutsimullu Ataatsimiititaliap**

**siunnersuutip aappassaaneerpeqarneranut**

**ISUMALIUTISSIISUTAA**

Ataatsimiititaliap suliarinninnermini makku ilaasortarai:

Inatsisartunut ilaasortaq Laura Táunâjik, Siumut, siulittaasoq  
Inatsisartunut ilaasortaq Stine Egede, Inuit Ataqtigiit, siulittaasup tullia  
Inatsisartunut ilaasortaq Jess Svane, Siumut  
Inatsisartunut ilaasortaq Aqqaluk Heilmann, Atassut  
Inatsisartunut ilaasortaq Malene Vahl Rasmussen, Demokraatit  
Inatsisartunut ilaasortaq Mikivuk Thomassen, Inuit Ataqtigiit  
Inatsisartunut ilaasortaq Aqqa Samuelsen, Inuit Ataqtigiit

Uka 2018-imi ulloq 31. oktober siullermeerinninnerup kingorna ataatsimiititaliap siunnersuut sukumiisumik misissorpaa.

### **1. Siunnersuutip imarisaa siunertaalu**

Juuli 2019 aallarnerfigalugu angajoqqaat sulinngiffeqartarnerat sapaatit akunnerinik sisamanik sivitsorneqarnissaa siunnersuuteqartup kissaatigaa. Tamatuma kingorna angajoqqaat sulinngiffeqartarnerat pillugu malittarisassanut allannguutissatut siunnersuummik Inatsisartunit akuerineqarsinnaasumik Naalakkersuisut saqqummiussissapput.

### **2. Siunnersuutip Inatsisartunit siullermeerneqarnera**

Erninnermut atatillugu aningaasaateqarfimmik pilersitsinissaq pillugu suliaqartoqarnera nalinginnaasumillu aningaasaqarnikkut tunuarsimaarnissaq ilaqutariinnermi politikkimik takorluuineq ilanngullugit suliaq ingerlareersoq innersuussutigalugu siunnersuutigineqartoq maannakkut akuersissutigineqarnissaa Naalakkersuisut inassutigisinnaangilaat.

Inatsisartunili partiit sinniisaat tamarmik siunnersuummik, erninermilu ernereernerullu kingorna sulinnigiffeqartarnerup sivitsorneqarnissaanut nukittorsarneqarnissaanullu tunngatillugu soqutiginnittorujussuupput. Erninermit aningaasaateqarfissaq Naalackersuisut suliaannut tunngatillugu arlalinnik apeqquteqaateqartoqarpoq. Sulinnigiffeqartarnej pillugu malittarisassat atuuttut ulloq 1. juli 2019-imi pinngitsoorani allanngortinneqarnissaat pisariaqanngitsoq ilanngullugu oqaatigineqarpoq. Suliap peqqissaarunneqarnissaa tamakkiisumillu isiginnittuunissaa pingaarnerpaavoq.

Tamanna tunngavigalugu siunnersuut naliliivigineqaqqittussanngorlugu Ilaqutariinnermut Peqqissutsimullu Ataatsimiititaliamut innersuunneqarpoq.

### 3. Apeqquteqaatit

Siunnersuummik siullermeerinermi apeqqutit sisamaasut uku Naalackersuisunit akineqartussanngorlugit saqqummiunneqarput:

1. Naalackersuisut taggiinerat naapertorlugu erninermit atatillugu aningaasaateqarfimmik pilersitsineq qanoq akeqassava?
2. Erninermit atatillugu aningaasaateqarfimmut kikkut akiliisassappat aamma kikkut akiliisassanngillat?
3. Kikkut erninermit atatillugu aningaasaateqarfimmit aningaasanik pisinnaassappat aamma kikkut pisinnaassanngilat?
4. Naalackersuisut takorloornerlugu Namminersorlutik Oqartussat erninermit atatillugu aningaasaateqarfimmut aningaasalersuissasut aamma taamaassappat aningaasalersuinissaq tamanna Naalackersuisut qanoq ilillutik isumaginiarpaat?

Peqqissutsimut, Isumaginninermit aamma Inatsisunik Atortitsinermit Naalackersuisup akissuteqaataata assilineri isumaliutissiisummut matumunnga **ilanngussaq 1**-itut ilanngunneqarpoq.

### 4. Ataatsimiititaliap siunnersuummik suliaqarnera

Angajoqqaat sulinnigiffeqartarnerisa sapaatit akunnerinik sisamanik sivitsorneqarnissaannut assingusoq UKA 2017/56-imut siunnersuut UKA 2017-imi Inatsisartut inaarutaasumik suliaqarsimanagerat ataatsimiititaliamit maluginiarneqarpoq.

UKA 2017/56 ima allannguutissatut siunnersuuteqarfigineqarluni naalackersuisooqatigiinnit akuerineqarpoq:

***”Ilaqutariit meerartallit erninermi sulinnigiffeqarnermi/angajoqqaat sulinnigiffeqarnerini suut tamaasa ilanngullugit naliliiffiginerini atugaat misissoqqissaarneqassasut, matumani ilanngullugit ilusiliussat arlallit atorneqarsinnaasut, ilaqutariit meerartallit erninermi***

*sulinngiffeqarnermi/angajoqqaat sulinngiffeqarnerini atugaat qanoq iliorluni pitsaanerulersinnaanersut misissorneqassasut. Peqatigitillugu aningaasaqarnikkut kingunerisassai erseqqissarneqartariaqarput, aningaasaqarnikkut atuisinnaanerup pitsaanerpaamik atornissaata nalilernissaanut naammattumik tunngavissaqarsinnaajumalluni.”*

Piffissap iluani Inatsisartunut qinersisoqarpoq, taamaattumillu angajoqqaat sulinngiffeqartarnerisa sapaatit akunnerinik sisamanik sivitsorneqarsinnaanera pillugu nutaamik siunnersuusiornissaq siunnersuuteqartoq pissutissaqalersimavoq. Angajoqqaat sulinngiffeqartarnerisa sapaatit akunnerinik sisamanik sivitsorneqarnissaa 1. juli 2019-imi atuutilersinneqarnissaa siunnersuuteqartup kissaatigaa

Aallarniutigalugu sulinngiffeqartarneq pillugu malittarisassat atuuttut nukittorsarneqarnissaat naalakkersuinikkut ersarissumik piumassuseqarfigineqartoq, aammalu angajoqqaat sulinngiffeqartarnerisa sivitsorneqarnissaanut qulakkeerinninnissamut partiinit tamanit piumassuseqarfigineqartoq siunnersuummik siullermeerinermi takutinneqarpoq. Tamanna ataatsimiititaliap maluginiarpaat tamatuminnigalu tunngaveqarluni siunnersuut naliliivigalugu.

#### **4.1. Erninermut atatillugu aningaasaateqarfik tamatumunngalu atatillugu apeqqutit.**

Sulinngiffeqartarneq pillugu aamma naartunermi, aamalu erninermi qitornavissiarthaarnermilu ullormusiat pillugit Inatsisartut inatsisaat nr. 14, 7. december 2009-imeesumi sulinngiffeqartarneq pillugu malittarisassanut atuuttumut tapiliussamik erninermut atatillugu aningaasaateqarfiliortoqarniarnera ataatsimiititaliamit pitsaasutut isumaqarfigineqarpoq. Sulinngiffeqartarnermi malittarisassani atuuttuni § 15-imi kapitali 6-imi allassimasoqarpoq immikkut angajoqqaat sulinngiffeqartarnerat tamatumaniilu periarfissat.

Erninermut atatillugu aningaasaateqarfimmik pilersitsinissamut tunngatillugu piffissami sivisuumi suliaqartoqarsimasoq ataatsimiititaliamit ilisimaneqarpoq, taamaattumik suliap taassuma akuerineqarsinnaasumik ilusilik kingusinnerpaamik 2019-imi naammassineqarsinnaanera naatsorsuutigineqarpoq.

Naalakkersuisut akissuteqaataanni paasissutissat, tak. ilanngussaq 1, ataatsimiititaliamit maluginiarneqarpoq, saqqummiunneqartunullu ataatsimiititaliaq tusaaniarsimasoq, pineqartumili inaarutaasumik inatsisitigut sinaakktissanik aningaasatigullu pingaarnersiuinerup kingunerisassai inaarutaasumillu akuersisarnermi Inatsisartut aalajangersaasartuusut erseqqissaatigissallugu.

#### **4.2. Siunnersuummut tunngatillugu ataatsimiititaliap eqikkaanera.**

Nunatsinni ernereermermi atukkat nukittorsarneqarnissaanut ersarilluinnartumik naalakkersuinikkut piumassuseqartoqartoq ataatsimiititaliamit maluginiarneqarpoq. Siunnersuutigineqartumi angajoqqaat sulinngiffeqartarnerisa sivitsorneqarnissaa sammineqarpoq.

Angajoqqaat sulinngiffeqartarnerisa pitsanngorsarneqarnissaa pillugu naalakkersuinikkut kissaatigineqartut ataatsimiititaliap tapersorsorpai. Angajoqqaat sulinngiffeqartarnerisa sapaatit akunnerinik sisamanik sivitsorneqarnissaanik siunnersuuteqartoqarnera ataatsimiititaliamit isummerfigineqarpoq. Ilaqutariit atugarissaarnerullu nukittorsarneqarnissaasa ilaattut angajoqqaat sulinngiffeqartarnerisa sapaatit akunnerinik sisamanik sivitsorneqarnissaa ataatsimiititaliamit tapersorsorneqarpoq. Meerartaarnermi malittarisassat pitsaanerulersinneqarnissaat pillugu kissaatigineqartoq ataatsimiititaliamit akuersaarneqarpoq, tamannali naalakkersuinikkut immikkut oqaloqatigiissutigineqarneratigut, isumaqatigiinniarnikkut aalajangersimasumillu siunnersuuteqarnikkut aaqqinneqartariaqarpoq.

Naalakkersuisut siunnersuummut akissuteqaataanni oqaatigineqartut, matumani ilanngullugu ilaqutariinnut politikkipisaaq ilusilersorlugu Naalakkersuisunit aallartinneqartoq, erninermut atatillugu aningaasaateqarfimmik pilersitsisoqarnissaa pillugu siunnersuummik Naalakkersuisut suliaqarnerat aningaasartuuteqarfiususaaq ataatsimut aningaasaqarnikkut pingaarnersiuinermut ilanngunneqassasoq ataatsimiititaliamit paasineqarpoq.

Siunnersuummik siullermeerinermermi aningaasarsiornermut politikki, pisariaqartumik inatsisit pitsaassusaannik qulakkeerinissamik taassuma saniatigut ataqatigiissaarinissamik piffissaq pisariaqartinneqartoq atorfissaqartinneqartoq, taamaalilluni inatsisip allanngortinneqarneratigut 1. juli 2019-imi atuutilersinneqarnissaa tuaviuussaavallaarsorinarpoq ataatsimiititaliamit maluginiarneqarpoq.

Siunnersuutip ataatsimut ataqatigiissaakkamillu atortuulersinneqarnissaata qulakkeerneqarnissaa siunertaralugu matuma kingorna siunnersuummut allannguutissatut siunnersuummik imaattumik ataatsimiititaliaq saqqummiussaqarpoq:

**Angajoqqaat sulinngiffeqartarnerat pillugu malittarisassat atuuttut pillugit allannguutissaattut siunnersuummik saqqummiusseqqullugit Naalakkersuisut peqquneqarnissaat pillugu Inatsisartut aalajangiiffigisassaattut siunnersuut, taamaaliornikkut sulinngiffeqartarnerup sapaatit akunnerinik sisamanik sivitsorneqarsinnaaqqullugu. Allannguut 1. januar 2020-imi atuutilersinneqassaaq.**

Ataatsimiititaliap allannguutissatut siunnersuutaa siunnersuutaaqqaartullu assigiinngissutituaaraat angajoqqaat sulinngiffeqartarnerisa sivitsorneqarnissaanut siunnersuut qaammatinik arfinilinnk kinguartinneqarnera.

**Siunnersuutip aningaasatigut kingunerisassai**

Siunnersuutigineqartut angajoqqaat sulinnigiffeqartarnerisa sivitsorneqarnissaannik siunnersuuteqartut § 37 naapertorlugu akissuteqaat 2016-imeersoq naapertorlugu ukiumut 12.3 mio. kr.-inik akeqarnissaa missingerneqarpoq. Naalakkersuisoqarfanni sipaarniartoqarneratigut aningaasat nassaarineqarsinnaasut siunnersuuteqartup ilanngullugu innersuussutigaa. Siunnersuummi tunngavilersuutigineqartut aamma pisortanut aningaasaqarnikkut allaffissornikkullu kingunerisassanut nassuiaatit ataatsimiititaliamit innersuussutigineqarput.

Saqqummiunneqartut ataatsimiititaliamit tusaatissatut tiguneqarput.

**Ataatsimiititaliap inassuteqaatai**


**Tamanna tunngavigalugu ataatsimiititaliap allannguutissatut siunnersuutaa akuerineqassasoq siunnersuutaaqqaartorlu itigartinneqassasoq ataatsimiititaliap isumaqatigiittup inassutigaa.**

Taama oqaaseqarluni isumaliutissiisummilu oqaatigineqartunut paasinnilluni siunnersuut ataatsimiititaliap aappassaaniigassanngortippaa.





---

Stine Egede  
Siulittaasup tullia




---

Laura Táunâjik  
Siulittaasoq




---

Jess Svane





---

Aqqaluk Heilmann




---

Malene Vahl Rasmussen




---

Mikivsuk Thomassen




---

Aqqa Samuelsen



Uunga

Ilaqutariinnermut Peqqissutsimullu Ataatsimiititaliaq

**Angajoqqaat sulingiffeqartarnerat pillugu malittarisassani atuuttut allanngortinnissaannut siunnersuusioqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut, taamaasilluni sulingiffeqartarneq sapaatip akunnerinik sisamanik sivitsorneqartussanngorlugu. Allanguut atuutilissaaq ulloq 1. juuli 2019 aallarnerfigalugu, imm. 106-ip suliarineqarneranut atatillugu apeqqutit pillugit.**

12-11-2018  
 Suliap nr. 2018 - 21574  
 Akt. id. 9244507

Postboks 260

3900 Nuuk

Oqarasuaat (+299) 34 50 00

Naqitanik nassitsigasuaat +299

34 66 66

E-mail: iian@nanoq.gl

www.naalakkersuisut.gl

Imm. 106-ip siullermeerneqarnerani Marlene Vahl Rasmussenip oqaaseqarnermini apeqqutinik sisamanik apeqquteqarpoq. Uku apeqqutigineqarput:

1. Naalakkersuisut taggiinerat naapertorlugu erninnermut atatillugu aningaasaateqarfimmik pilersitsineq qanoq akeqassava?
2. Erninnermut atatillugu aningaasaateqarfimmut kikkut akiliisassappat aamma kikkut akiliisassanngillat?
3. Kikkut erninnermut atatillugu aningaasaateqarfimmit aningaasanik pisinnaassappat aamma kikkut pisinnaassanngillat?
4. Naalakkersuisut takorloornerlugu Namminersorlutik Oqartussat erninnermut atatillugu aningaasaateqarfimmut aningaasalersuissasut aamma taamaassappat aningaasalersuinissaaq tamanna Naalakkersuisut qanoq ilillutik isumaginiarpaat?

#### Akissut:

##### Imm 1-imut.

Erninnermut aningaasaateqarfik sulisitsisunit namminersorlutik inuussutissarsiuqartunit tamakkiisumik aningaasalersorneqassaaq, taamaamallu aningaasartuutitut sunniuteqarnaviarnani. Suliassaqarfimmut ullumikkut aningaasartuutigineqartartut nalinganik Namminersorlutik Oqartussat aningaasaateqarfimmut aningaasaliissapput.

Pisortat suliffeqarfiutaani, Namminersorlutik Oqartussani kommuninilu, sulisunut annikitsumik aningaasartuuteqarnerutisissaaq, tassami akissarsiat 80 pct.-ii angullugit suliffigisamut utertitsisarnissamik eqqussisoqarnissaa eqqarsaatigineqarmat, tassa taassuma taarsissallugu SIK-p isumaqatigiissutai malillugit annerpaamik tiimimut akissarsiat minnerpaat assigalugit akissarsiaqartitsisarneq. Taamaattoq naatsorsuutigineqarpoq aningaasartuutaanerusussat annerpaamik 1 mill. kr.-iunissaat.

##### Imm. 2-mut.

Sulisitsisunit namminersorlutik inuussutissarsiuqartunit promillimik akitsuuteqartitsisarnikkut erninnermut aningaasaateqarfik aningaasalersorneqassaaq, taannalu sulisoqarnermut akitsuummumut ilassutitut akilerneqartassalluni. Promillimik akitsuusiisarneq ukiumoortumik aalajangerneqartassaaq, suliffeqarfiullu akissarsiarititaasa katinnerannit promillimut akigititaassalluni. Erninnermut

aningaasaateqarfiup allaffissornikkut aningaasartuutai promillimik akitsuutip matussusertassavai.

Qulaani aningaasartuutaanerusussat annertunngitsut eqqaaneqartut eqqaassanngikkaanni, erninermut atatillugu- aamma angajoqqaatut sulinngiffeqarnermut aningaasaliissutit assigiimmik pisussaaffeqartumik nutaamik agguarneqassapput. Pisortat suliassaqarfii promillimik akitsuummik akilersuissanngillat erninermullu aningaasaateqarfik aningaasanut inatsit aqqutigalugu aningaasaliissutinik aningaasalersorneqarnissaa eqqarsaatigineqarpoq, taakku pisortat suliassaqarfiini akissarsiat katinnerannit tamarmiusunit tapersiissutitut pissarsiarineqassallutik. Tamatuma saniatigut ullumikkut erninermut atatillugu- aamma angajoqqaatut sulinngiffeqarnermut aningaasartuutit amerlaqataannik aningaasaateqarfimmut aningaasaliisoqassaaq.

### **Imm 3-mut.**

Akissarsisartut tamarmik erninermut aningaasaateqarfimmi ilaatinneqassapput. Sulisitsisut tamarmik sulisoqarnermut akitsuutinik akiliisartut aammalu erninermut aningaasaateqarfimmut promillemik akitsuutinik akiliisartut erninertut atatillugu sulinngiffeqarnermi akissarsianut utertitsiffiqineqarnissamut pisinnaatitaallissapput. Minnerpaamik utertitsissutit amerlaqataannik erninermut atatillugu sulinngiffeqarnermi sulisitsisoq akissarsisitsinissaminik pisussaataalissaaq. Innuttaasut suliffeqarfeqarfiup avataaniittut malittarisassanut maannamut atuuttunut ilaassapput, matumani assersuutigalugu ilinniartut erninermut atatillugu ullormusiaanik pisartagaqarsinnaalernissaat ilanngullugu.

### **Imm. 4-mut.**

Eqqaaneqartutut erninermut atatillugu sulisut ullormusiaannut maannakkut aningaasartuutit amerlaqataannik Namminersorlutik Oqartussat aningaasaliissapput, eqqaaneqartutullu erninermut aningaasaateqarfimmut tunngatillugu pisortat 1 mill. missiliorlugit annikitsumik aningaasartuuteqarnerussapput, taakku pisortat suliffeqarfiutaannit tamanit tapersiissutitut pissarsiarineqassallutik, aningaasartuutillu ima annikitsigissapput suliat amerlassusaannut malunniutaasumik kinguneqassanatik.

### **Oqaaseqaatit allat:**

Meerartaarnermut atatillugu aningaasaateqarfik namminersortunut assigiinngitsunik iluaqusiissaaq, matumani assersuutigalugu ilanngullugit

- sulisitsisunut ataasiakkaanut akikinnerungaatsialissaaq, aamma erninermut atatillugu sulinngiffeqarnermi tamakkiisumik akissarsiaqartitsinissaannut kajumissuseqarnerulersitsissalluni,
- arnat meeqqiorfiup nalaaniittut suliffeqarfeqarfimmi pitsaaneruseqarnermi naligiissitaalernissaat qulakkeerneqassaaq,
- akissarsiaqartorpaaluit ullumikkut tamakkiisumik akissarsiaqartinneqanngitsut meerartaarnermut atatillugu sulinngiffeqarneranni pitsaaneruseqarnermi aningaasatigut taperneqarsinnaalissapput, tassungalu peqatigitillugu
- isumaqatiginninniartarnernut atatillugu tamakkiisumik akissarsiaqarsinnaanissamut tunngatillugu isumaqatigiinniarnissaaq ajornannginnerulissalluni

Erninermut aningaasaateqarfimmi pilersitsinissamik kissaateqarfeqarfeqarfimmi illuatungeriit kissaateqarnerannik pissuteqarpoq erninermullu


aningaasaateqarfiliortoqarnermik aaqjissuussinermut aningaasartuutaanerusussat amerlanerpaartaat sulisitsisunit namminersortunit taamaallaat tutsinneqassaaq.

Erninermut atatillugu sulinngiffeqartarnerup sapaatit akunnerinik sisamanik sivitsorneqarnerata sulisitsisut namminersortut erninermut aningaasaateqarfimmut annikigisassaangitsumik aningaasartuutaanerulissaaq. Taamaammat erninermut atatillugu sulinngiffeqartarneq/angajoqqaatut sulinngiffeqartarneq ataatsikkut sapaatit akunnerinik sisamanik sivitsorneqarpat ilaatigut sulisitsisut arlallit erninermut aningaasaateqarfiliornissamut tapersersuinissaminnik tunuarsimaarnissaat, aamma ilaatigut erninermut aningaasaateqarfiliornermut ilanngunnermi erninermut atatillugu tamakkiisumik akissarsisitsisarnissaminnik tunuarsimaarnissaat ernumassutigineqarsinnaavoq.

Taassuma saniatigut angajoqqaat sulinngiffeqartut aningaasaqarnermikkut matussutissaqartitsinissaasa anguneqarnissaa qulakkeerniarlugu suliniuteqartoqarnissaa pingaarutilerujussuuvoq, taakku naleqquttumik pilersuisinnaanermut tunngaviussammata, taamaalilluni angajoqqaat aningaasaqarneq pissutigalugu erninermut atatillugu sulinngiffeqarnerup/angajoqqaatut sulinngiffeqarnerup ilaanik atuinngitsoornissaat pinngitsoortinneqassammat.

Inussiarnersumik inuulluaqqusillunga

Med venlig hilsen



Martha Abelsen